



## Universitätsbibliothek Paderborn

**Sancti Bonaventvræ Ordinis Minorum, S. R. E. Cardinalis,  
Episcopi Albanensis, Seraphici Doctoris Ecclesiæ, De Vita  
S. Patris Francisci, Liber I.**

**Bonaventura <Sanctus>**

**Antverpiæ, 1597**

Sereniss. Principi Alberto, S. R. E. Cardinali, Archiepiscopo Toletano,  
Archiduci Austriæ, Belgicæ Proregi, Imperatoris Filio, Imperatoris Fratri, F.  
Henricvs Sedvlivs D. D.

**urn:nbn:de:hbz:466:1-41460**

SERENISS. PRINCIPI  
ALBERTO,  
S. R. E. CARDINALI,  
Archiepiscopo Toletano, Archiduci  
Austriæ, Belgicæ Proregi, Impera-  
toris Filio, Imperatoris Fratri,  
F. HENRICVS SEDVLIVS D.D.

**D**ELIBERANDVM mihi  
diu non fuit, maxime  
Princeps, vtrum ad te  
deferrem libellū hunc,  
quem intimo m̄eo vo-  
to, magno tuo nomini, æternumque  
victuro, libens meritò donaui, dedi-  
caui. Multa me iure mouent. In pri-  
mis, exemplum Sancti Patris Fran-  
cisci, quem sequor. tum etiam maxi-  
ma in Ordinem nostrum beneficia, &  
immortalia merita, inclutæ Austria-  
cæ gentis; cui proprium laborare, ut  
illi quam plurimi debeant. Sancto  
Francisco decretissimum fuit, iam in-

\* 2 de

de ab initio, & in omne æcum, Ordini suo, aliquem S. R. E. Cardinalem legi, & à Summo Pontifice constitui Protectorem : quo, velut columnâ, subnixus stare queat, & confirmari. Hoc exemplo, ego (cum bonâ veniâ) Historiæ vitæ eius, piè & grauiter à Sancto Bonauenturâ, etiam S. R. E. Cardinale, conscriptæ, Commentario nostro illustratæ, te Cardinalem (quo post natam dignitatem illam, in eâ nemo maior exstitit) elegi Tutorem & Patronum, qui partū hunc infirmum, auctoritatis tuæ clypeo tegas, contra maligni liuoris dentem. Id vt sperem, & satis confidam, facit eximia benignitas tua, tuorumque Maiorum, aduersus Seraphicum Ordinē nostrum, quam recensebo in parte. Maximilanus Primus Imperator, atauus tuus, maiorum nostrorum memoriâ quam benignè iuuerit, & stabilierit, iam tum laborantem & titubantem familiam nostram

nostram Instituti de Observantia, archiua nostra testantur. Ferdinandus Imperator auus tuus, magnificum cœnobium exædificatum Oeniponte, fratribus nostris adsignauit: sumptibus suis aluit, liberaliter hodieque aluntur. Ferdinandus Archidux Austriae, Ferdinandi Imperatoris Filius, Patruus tuus, pius Princeps, ex omnibus monasteriis nostri Instituti, in Rhætiâ, Norico, & Sueviâ, quâ erant ditiones eius, auctoritate S.D. Gregorij XIII. Prouinciam Tirolensem, operâ meâ instituit; azylum, tutumq; aliquando perfugium, me etiam duce, fratribus nostris, per arma rebellia, dirumque furorem bellorum, superioribus annis, è Belgicâ profligatis. Quid dicam de sorore tuâ Margarita? Ipsa prosapiâ suâ generosior, & generis celsitudinem superans, Ordini sancte Clares, (quem Secundum instituit Sanctus Franciscus) pauperi, & men-

\* 3

dico

dico se addixit, & professione perpe-  
tuūm obligauit. O præclarum & ra-  
rum exemplum in virgine Reginâ!  
Adeste animi contemptores. videte  
tumiduli, à scientiâ, nobilitate, poten-  
tiâ: vos, illos Ordines, talibus marga-  
ritis decoratos contemptum itis? de-  
sinite, cùm illam videtis sublimes tho-  
ros, potentia regna, superba sceptrâ,  
Christi cælestis amore Regis, pro ni-  
hilo putare. Summum verticem con-  
scendit: omnia sub se, quæ pro excel-  
sissimis habentur, despexit. Inuentâ  
vnâ pretiosâ margaritâ, abiit, & ven-  
didit omnia quæ habuit, & emit eam.  
Verè suo isto dignissima nomine: è tot  
Augustis Imperatoribus orta, ipsa Fi-  
lia Imperatoris & soror, alium talem  
vnionem non habet indiscretum. Ad  
hæc, Serenissime, eius, tuique Germa-  
ni Fratris, Rodolphi Imperatoris Se-  
cundi; Philippi item secundi, Hispa-  
niarû Regis Catholici, auunculi tui,  
cali-

calidum adfectum in Ordinem Mi-  
norum, testantur; illius, Germani, Bo-  
hemi, Vngari, & quā Imperium eius;  
huius pñè reliquus orbis Christianus.  
Publica hēc, & maxima Austriorum  
Principum nomina, quid? vile  
opusculum hoc? immo verò totū Or-  
dinem nostrum, quātus,, quantus est,  
meritissimò vindicant sibi. Sed est &  
alia ratio, quæ me tangit: quia meos  
germanos, Iānum & Casparem, Se-  
dulios Fratres, mihi ipso me cariores.  
A funestâ cæde Curlandorum, ante  
annos amplius viginti, à Moscis ipsi  
capti: Moscâ barbariâ,

— exerciti

Labore multo, & vno nigri carceris.  
Illos Maximilianus Secundus Cæsar  
Augustus, Pater tuus, sibi propriâ be-  
niuolentiâ, & humanitate in bonos &  
doctos; cuius (teste æui nostri maximo  
viro) una Viennensis Aula plures eru-  
ditos habuit, quam aliorum tota regna;

\* 4 acci-

accitos, sibi asseruit, & libertati: & honoribus augens, par illud dulce fratum, egregios Vates, isthoc titulo, suo carmine nobilitauit,

*Nomen ab insigne sedulitate gerunt.*  
cū

*Apollinari Laureâ coronati*

*Ambo, ipsius sacrâ Imperatoris manu,  
Decessit vterque properato publico  
fine generis humani, luctu multorū,  
apud meliores mentes sui desiderio  
relichto. Nullum dubium; si datum  
fuisse illis producere vitam: gratiam  
Magno Imperatori, cui largiter debe-  
bant, habuissent, beneficij & honoris  
accepti. Quod illi non potuerunt, in-  
uidâ morte; ego nomina illorum, quia  
Frater, expedio: & in parte, hoc post-  
humo litterario munere, soluo Paren-  
ti, quia Filio. Vides Princeps Serenif-  
fime, quot mihi caussæ, quicquid hoc  
est operis, nomini tuo, dedicandi di-  
cam? verius splendore nominis tui il-  
lustran-*

Iustrandi. Ita visum mihi, auitâ, & ingenitâ tibi benignitate freto, Carbunculo hoc, in ipsis tenebris lucête, frontispicium eius adornare: ut scriptio per se obscura, resplendeat tuâ luce. Supplex oro Summum Deum, te in purpurâ radiantem, & summo fastigio positum, inter has bellorum flamas, instar Carbunculi, (cuius hoc ingenuum) ignem non sentire: sed alto animo & excenso, Austriaco, ad res labentes, lapsasque restituendum fatali, constantiâ fortis, salubri consilio, extinguere & reprimere; prudenter gubernare huius laceri nauigij clavum, in his turbulentis tempestatibus, diu in columem perennare, Religioni, Patriæ, publico bono.

\* 5

AD